

ხ ე ლ შ ე კ რ უ ლ ე ბ ა №442
სახელმწიფო შესყიდვის შესახებ

ქ. ფოთი

26 დეკემბერი, 2011 წ.

ერთის მხრივ, თვითმმართველი ქალაქი ფოთი (შემდგომში - შემსყიდველი), წარმოდგენილი თვითმმართველი ქ. ფოთის საკრებულოს თავმჯდომარის ივანე სალინაძის სახით, მეორეს მხრივ, შპს „სოკარ ჯორჯია პეტროლუმში“ (შემდგომში - მიმწოდებელი), წარმოდგენილი მისი საბარათე და ტალონური სისტემით მომსახურების ცენტრთან ურთიერთობის მენეჯერის, ირინე ბარამიძის სახით და შესაბამისად, საქართველოს შსს კონსტიტუციური უსაფრთხოების დეპარტამენტის სამეგრელო-ზემო სვანეთის რეგიონალური სამმართველოს ქ. ფოთის სამსახური (შემდგომში - მიმღები), წარმოდგენილი მისი უფროსის ნიკოლოზ სურმაგას სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

„სახელმწიფო შესყიდვის შესახებ“ საქართველოს კანონის მე-10¹ მუხლის მე-3 პუნქტის „ბ“ ქვეპუნქტის, გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“, სახელმწიფო შესყიდვის სააგენტოს თავმჯდომარის 2011 წლის 7 აპრილის №9 ბრძანების მე-3 მუხლის მე-2 პუნქტის „ბ“ ქვეპუნქტის შესაბამისად, სახელმწიფო შესყიდვა შეიძლება განხორციელდეს გამარტივებული შესყიდვით თუ არსებობს გადაუღებელი აუცილებლობა.

ზემოაღნიშნულიდან გამომდინარე, „შემსყიდველი“, თვითმმართველი ქალაქი ფოთის ადგილობრივი ბიუჯეტის სახსრებით, თვითმმართველი ქალაქი ფოთის საკრებულოს თავმჯდომარის 2011 წლის 26 დეკემბრის №434 ბრძანების საფუძველზე, გამარტივებული შესყიდვის საშუალებით, შეისყიდის საწვავს (ბენზინი).

1. ხელშეკრულების საგანი და ობიექტი

1.1 ხელშეკრულების საგანია საავტომობილო საწვავის (შემდგომში: „საწვავი“ ან „შესყიდვის ობიექტი“) შესყიდვა, წინამდებარე ხელშეკრულებით გათვალისწინებული პირობების შესაბამისად.

1.2 შესყიდვის ობიექტია:

ა) 1300 ლიტრი „რეგულარის“ მარკის ბენზინი (RON93);

1.3 შესყიდვის საშუალება - გამარტივებული შესყიდვა

1.4 სატენდერო განცხადების ნომერი - SPA110032157 (ტენდერი არ შედგა).

1.5 შესყიდვის კატეგორია - 09100000 - საწვავი;

კლასიფიკატორის (CPV) კოდი - 09132000 ბენზინი

2. საწვავის ფასი და ხელშეკრულების ღირებულება

2.1 შესყიდვის ობიექტის ფასი განისაზღვრება ლარებში:

ა) ერთი ლიტრი „რეგულარის“ მარკის საწვავის (RON93) ფასი შეადგენს 2.02 ლარს (შესაბამისად, 1300 ლიტრის საერთო ღირებულებაა - 2626 ლარი);

ფასის განაგარიშების ფორმულა, რომელიც წარედგინა შემსყიდველს, თან ახლავს წინამდებარე ხელშეკრულებას და წარმოადგენს მის განუყოფელ ნაწილს.

2.2 შესყიდვის ობიექტის საერთო ღირებულება შეადგენს 2626 (ორი ათას ექვსასოცდაექვსი) ლარს, რაც შეიცავს დღ.გ.-ს, აგრეთვე საწვავის მიწოდებასთან დაკავშირებულ ყველა თანამდევ ხარჯს, მათ შორის საწვავის შენახვის ხარჯებს ავტოგასამართი სადგურებიდან მის გაცემამდე.

3. შესყიდვის ობიექტის ხარისხი

3.1 შესყიდვის ობიექტის ხარისხობრივი მაჩვენებლები უნდა შეესაბამებოდეს საქართველოში მოქმედ ნორმებს.

4. შესყიდვის ობიექტი მიწოდების პირობები

4.1 შესყიდვის ობიექტის მიწოდებას მიმწოდებელი უზრუნველყოფს ტალონური სისტემით, მიმწოდებლის ავტოგასამართი სადგურების ქსელის მეშვეობით.

4.2 წინამდებარე ხელშეკრულების ხელმოწერიდან 5 სამუშაო დღის განმავლობაში მიმწოდებელი გამოიწერს შემსყიდველს ელექტრონულ ნავთობპროდუქტების სპეციალურ საგადასახადო ანგარიშ-ფაქტურას (შემდგომში - „ენსაფ“) ამ ხელშეკრულების 1.2 პუნქტში მითითებული უდენობისა და სახეობის საწვავზე შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს „ენსაფ“-ის დადასტურება „ენსაფ“-ის გამოწერიდან 1 სამუშაო დღის განმავლობაში („ენსაფ“-ის გამოწერის დღესვე). „ენსაფ“-ის დადასტურების შემდეგ შემსყიდველის უფლებამოსილ წარმომადგენელს მიღება-ჩაბარების აქტით გადაეცემა მთხოვნილი რაოდენობისა და სახეობის საწვავის ტალონები. მზარეები აღიარებენ, რომ შემსყიდველის მიერ „ენსაფ“-ის ელექტრონულად დადასტურების მომენტიდან „ენსაფ“-ით გათვალისწინებული საწვავი ითვლება შემსყიდველის მიერ შეტანილად და შემსყიდველს არა აქვს უფლება სადავო გახადოს ამ საწვავის შეტენის ფაქტი, აგრეთვე ზემოთხსენებულ „ენსაფ“-ში დაფიქსირებული საწვავის სახეობა, რაოდენობა, ფასი და სხვა არსებითი პირობები. ამასთან, შემსყიდველს არც ერთი საფუძვლით არ შეუძლია სადავო გახადოს მისი მხრიდან შესაბამისი „ენსაფ“-ის ელექტრონულად დადასტურების ფაქტი, ვინაიდან შესაბამის ელექტრონულ საშუალებებთან წვდომა გააჩნია მხოლოდ შემსყიდველს, „ენსაფ“-ის ელექტრონულად დადასტურების პროცესი არ კონტროლდება მიმწოდებლის მიერ და შემსყიდველი თავად განსაზღვრავს იმ პირის ვინაობას, რომელიც უშუალოდ მიახდენს შემსყიდველის მხრიდან „ენსაფ“-ის ელექტრონულად დადასტურებას.

4.3 იმ შემთხვევაში, თუკი შემსყიდველი ვერ უზრუნველყოფს 4.2 პუნქტით განსაზღვრულ ვადაში „ენსაფ“-ის ელექტრონულად დადასტურებას, მიმწოდებელი უფლებამოსილი იქნება დაუყოვნებლივ ცალმხრივად მოშალოს წინამდებარე ხელშეკრულება და უარი განაცხადოს შესყიდვის ობიექტის მიწოდებაზე, რაც არ შეიძლება მიჩნულ იქნას მიმწოდებლის მიერ რომელიმე სახელშეკრულებო ვალდებულების დარღვევად ან შეუსრულებლობად.

5. შესყიდვის ობიექტის მიღება-ჩაბარების წესი

5.1 ხელშეკრულების 4.2 პუნქტით დადგენილი პროცედურის დაცვით, მიმწოდებელი დაამზადებს და მიღება-ჩაბარების აქტის საფუძველზე გადასცემს შემსყიდველს (სპეციალური მინდობილობით აღჭურვილ პირს) შებენილი საწვავის ტალონებს ლიტრობრივ ერთეულებში (10, 20 და 50 ლიტრიანი ტალონის ნომინალუბით). ტალონების გადაცემის შემდეგ მათი დაკარგვის, დაზიანების ან განადგურების რისკი გადადის შემსყიდველზე, ამასთან, უკვე გადაცემული ტალონები არ ექვემდებარება დაბრუნებას ან სხვა სახეობის საწვავის ტალონებზე გადაცვლას. ტალონზე აღნიშნული უნდა იყოს:

- მიმწოდებლის ლოგო წარწერით „სოკარი“;
- ტალონის ნომერი;
- საწვავის სახეობა;
- საწვავის რაოდენობა.

შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონივრულ ვადაში სამუშაო საათებში აცნობებს მიმწოდებელს დაკარგვის შესახებ წერილობით და მიუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების ან/და საწვავის გაცემა. დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას).

5.2 საწვავის გაცემა წარმოებს შემსყიდველის მიერ დამოწმებული ტალონების საფუძველზე, რისთვისაც შემსყიდველმა ტალონის უკანა მხარეზე უნდა დასვას თავისი ბეჭედი. დაუმოწმებელ ტალონზე საწვავი მის დამოწმებამდე არ გაიცემა.

5.3 მიმწოდებელი ვალდებულია შემსყიდველის კუთვნილი და სათანადო წესით დამოწმებული ტალონის ავტოგასამართ სადგურზე წარმოდგენისთანავე გამართოს ავტომანქანა და/ან ჭურჭელი ტალონში აღნიშნული საწვავის ზარისხითა და რაოდენობით. საწვავის გაცემა ხდება სათანადო წესით დამოწმებული ტალონის წარმომდგენ ნებისმიერ პირზე.

5.4 ავტოგასამართ სადგურზე ტალონების წარმოდგენისთანავე შემსყიდველი ან მისი წარმომადგენელი ვალდებულია უზრუნველყოს შესაბამისი ტევადობების ან/და ჭურჭლის წარმოდგენა. ტალონებზე საწვავის გაცემისას ტალონის ნაწილობრივი განაღდება ან/და ხურდის დაბრუნება არ დაიშვება.

5.5 წინამდებარე ხელშეკრულების მოქმედების პერიოდში ამავე ხელშეკრულების 5.1 პუნქტით გათვალისწინებული საწვავის ტალონების მიღება-ჩაბარების აქტების ხელმოწერაზე შემსყიდველის მხრიდან არის უფლებამოსილი პირი (აღნიშნულზე პასუხისმგებლობა ეკისრება შემსყიდველს).

6. ანგარიშსწორების ფორმა, გრაფიკი (ვადები)

6.1 მიწოდებული ობიექტის ღირებულების ანაზღაურება მოხდება ლარებში, უნაღლო ანგარიშსწორებით.

6.2 შემსყიდველი იღებს ვალდებულებას აუნაზღაუროს მიმწოდებელს შებენილი საწვავის ღირებულება წინამდებარე ხელშეკრულების 4.2 პუნქტის მიხედვით შესაბამისი „ენსაფ“-ის ელექტრონულად დადასტურებიდან არაუგვიანეს 1 (ერთი) კალენდარული დღის განმავლობაში.

7. მხარეთა უფლება-მოვალეობანი

7.1 შემსყიდველს უფლება აქვს:

- 7.1.1 შეამოწმოს მიწოდებული საწვავის შესაბამისობა ხელშეკრულებით გათვალისწინებულ პირობებთან;
- 7.1.2 განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- 7.1.3 უარი თქვას უზარისხო საწვავის მიღებაზე.

7.2 შემსყიდველი ვალდებულია:

7.2.1 წერილობით აცნობოს მიმწოდებელს საწვავის მიწოდებასთან დაკავშირებული ყველა განსაკუთრებული გარემოების შესახებ;

7.2.2 მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

7.2.3 დაიცვას ხელშეკრულების სხვა პირობები.

7.3 მიმწოდებელს უფლება აქვს:

7.3.1 მოითხოვოს შემსყიდველს მიწოდებული საწვავის ღირებულების ანაზღაურება ხელშეკრულებით გათვალისწინებული პირობებით;

7.3.2 დროებით (არაუმეტეს 1,5 საათისა) შეაჩეროს საწვავის გაცემა ამა თუ იმ ავტოგასამართ სადგურზე საწვავის მიღების დროს და მიღების შემდეგ, რათა უზრუნველყოფილ იქნას პერსონალის და მომხმარებლების უსაფრთხოება და საწვავის სათანადო ზარისხი;

7.4 მიმწოდებელი ვალდებულია:

7.4.1 წინამდებარე ხელშეკრულების ხელმოწერიდან სამი სამუშაო დღის განმავლობაში გამოუწეროს შემსყიდველს „ენსაფ“-ი შესყიდვის ობიექტზე, ხოლო „ენსაფ“-ის ელექტრონულად დადასტურებიდან 1 სამუშაო დღეში მოამზადოს შესაბამისი რაოდენობისა და სახეობის საწვავის ტალონები შემსყიდველზე გადასაცემად;

7.4.2 გააფრთხილოს შემსყიდველი საწვავის მიწოდების პროცესში შეფერხების შესახებ;

7.4.3 დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების დარღვევისას

8.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2 თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებით გათვალისწინებული პირობების შეუსრულებლობისთვის მის მიერ დამატებით განსაზღვრული ვადის უმეტესად გასვლის შემდეგ თუ პირობები

სასაბაგიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

8.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

8.4 ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს მოქმედი კანონმდებლობის შესაბამისი ნორმები.

9. ხელშეკრულების მოქმედების ვადა

9.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან მხარეთა მიერ ნაკისრი ვალდებულებების სრულ და ჯეროვან შესრულებამდე ან ცალმხრივად ხელშეკრულების მოშლამდე 4.3 პუნქტით განსაზღვრულ შემთხვევაში.

10. ფასების გადასინჯვის შესაძლებლობა

10.1 პუნქტში მითითებული ფასების შეცვლის საფუძველს, შემდგომში წერილობითი შეთანხმებით გააფორმონ ახალი ფასები. თუ ამ საფუძველს არ ექნება ადგილი, ძალაში დარჩება მხარეებს შორის ბოლო შეთანხმებული ფასი. ფასი ძალაში დარჩება გადაანგარიშებიდან 3 (სამი) სამუშაო დღის ვადით. თუკი შემსყიდველი აღნიშნულ ვადაში არ მოახდენს საწვავის შესყიდვას, გადაანგარიშებული ფასები კარგავს ძალას და შემსყიდველი ვალდებული იქნება ხელახლა წარმოუდგინოს მიმწოდებელს საწვავის მოთხოვნის შესახებ განაცხადი.

10.2 ფასის შესაძლო ცვლილების შესახებ მეორე მხარის გაფრთხილება ან რაიმე სახის შეტყობინების გაგზავნა სავალდებულო არ არის.

11. ფორს-მაჟორი

11.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით გარემოებათა დასარულების შემდეგ.

11.2 თუ სახელშეკრულებო ვალდებულების მოლანინ ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება დამატებითი კომპენსაციის უფლების მოთხოვნის გარეშე.

11.3 მხარე, რომელსაც შეექმნა ფორს-მაჟორი გარემოება, დაუყოვნებლივ აცნობებს მეორე მხარეს ამის შესახებ.

12. დავები და მათი გადაწყვეტის წესი

12.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების მიუღწევლობის შემთხვევაში, მხარეები მიმართავენ სასამართლოს, საქართველოს კანონმდებლობის შესაბამისად.

13. ხელშეკრულების შესრულების კონტროლი

13.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლი, ხელშეკრულების მოქმედების მთელი პერიოდის განმავლობაში, ეკისრება შემსყიდველის მიერ შექმნილ ინსპექტირების ჯგუფს. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა, მოქმედი კანონმდებლობის შესაბამისად.


14. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.3 ხელშეკრულება შედგენილია ქართულ ენაზე ხუთ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერილ მხარეებთან (ოთხი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.



15. მხარეთა რეკვიზიტები და ხელმოწერები

<p>მომწოდებელი: თვითმმართველი ქალაქი ფოთი მის: ქ. ფოთი, აღმაშენებლის ქ. №12 ს/კოდი: 215138143</p> <p>თვითმმართველი ქალაქი ფოთის საქართველოს თავმჯდომარე</p>  <p>ივანე სალინიძე</p>	<p>მიწოდებელი: შ.პ.ს. "სოკარ ჯორჯია პეტროლუმ" ს/კ 202352514 მისამართი: ქ. თბილისი, მ. ბურბულას ქ. № 56; სს "საქართველოს ბანკი" ანგ. № GE02BG0000000233446600 ბანკის კოდი: 220101502 ტელ: 43 97 57</p> <p>საბარათო და ტალღური სისტემით მომსახურების ცენტრთან ურთიერთობის შენეჯერი</p> <p>ირინე ბარამიძე</p> 	<p>მძღვენი: საქართველოს შსს კონსტიტუციური უსაფრთხოების დესპარტამენტის სამფრელო-ზემო სეანეთის რეგიონალური სამმართველოს ქ. ფოთის სამსახური</p> <p>სამსახურის უფროსი</p>  <p>ნიკოლოზ სურმაგა</p>
--	---	---

2

